

MËSIMI 61

1. Si i mbronin barinj të delet e tyre natën?

-Para se të binte nata, barinj të do të ndërtonin një vathë me gurë apo ferra dhe linin një derë në një anë.

2. Kur të mbarohej vatha dhe bariu do t'i fuste delet e tij brenda në vathë, ku do të flinte ai vet?

-Bariu do flinte tek hyrja.

3. Pse do të flinte bariu tek hyrja?

-Për të mbrojtur delet që ishin brenda vathës.

4. Çfarë donte të thoshte Jezusi kur tha që Ai ishte dera e deleve?

-Jezusi po thoshte që Ai ishte rruga me anë të të cilit ne do të mund të shpëtohem nga vdekja.

5. Kush janë delet e Jezusit?

-Ata që e dinë se mëkati i tyre do t'i çojë në vdekje dhe i thërrasin Jezusit që t'i shpëtojë ata.

6. Disa njerëz thonë që ka shumë dyer për te Perëndia. A është e vërtetë kjo?

-Jo. Kjo është gënjeshtër.

7. Si na e kujton Jezusin dera e vetme e arkës së Noeut?

-Ashtu siç pati një derë të vetme tek arka e Noeut, kështu edhe Jezusi është dera e vetme për në jetën e

përjetshme.

-Ashtu si ata që hynë në arkën e Noeut nga dera e vetme shpëtuan nga vdekja, kështu edhe ata që besojnë në Jezusin do të shpëtohen nga vdekja.

8. Kur është vjedhësi që vjen vetëm për të vjedhur, vrarë dhe shkatërruar?

-Satani.

9. Pse erdhi Jezusi?

-Jezusi erdhi për të na dhënë ne jetë dhe për të na dhënë ne jetën e përjetshme.

10. Jezusi tha që Ai i donte aq shumë delet e Tij, sa që ishte gati për të bërë diçka për to. Çfarë?

-Jezusi ishte gati të vdiste për to.

-Një ditë, Llazari, që jetonte në Betani dhe ishte mik i Jezusit, u sëmur.

Le të lexojmë Gjoni 11:1-6

1-Ishte atëherë i sëmurë një farë Llazari nga Betania, fshati i Marisë dhe i Martës, motrës së saj.

2-Maria ishte ajo që e vajosi me vaj erëkëndëshëm Zotin dhe ia fshiu këmbët me flokët e saj; dhe vëllai i saj, Llazari, ishte i sëmurë.

3-Prandaj motrat i dërguan fjalë Jezusit: ``Zot, ja, ai që ti e do shumë është i sëmurë".

4-Dhe Jezusi si dëgjoi këto tha: ``Kjo sëmundje nuk është për vdekje, po për lavdinë e Perëndisë, që nëpërmjet

saj të përlevdohet Biri i Perëndisë".

5-Por Jezusi e donte Martën, motrën e saj dhe Llazarin.

6-Kur dëgjoi se Llazari ishte i sëmurë, qëndroi edhe dy ditë në vendin ku ishte.

-Kur Llazari u sëmur, motrat e tij, Maria dhe Marta, i çuan fjalë Jezusit, i cili po rrinte në një vend shumë larg Betanisë.

-A ishte Jezusi në gjendje për ta shëruar sëmundjen e Llazarit nga larg?

-Po.

-Çfarë tha Jezusi për sëmundjen e Llazarit?

-Jezusi tha që sëmundja e Llazarit-nuk do të përfundonte me vdekjen e tij por do të ishte për lavdinë e Perëndisë.

-Megjithëse Jezusi e dëgjoi që Llazari ishte i sëmurë, Jezusi qëndroi aty ku ishte edhe dy ditë të tjera.

-Kur Jezusi e dëgjoi që Llazari ishte sëmurë, pse nuk shkoi tek Llazari menjëherë?

-Për shkak se Jezusi donte të tregonte fuqinë e Tij të madhe si Perëndia Shpëtimtar.

-Pak pas kësaj, Jezusi u foli dishepujve të Tij.

Le të lexojmë Gjoni 11:7-8 & 11-16

7-Pastaj [Jezusi] u tha dishepujve: “Të kthehemi përsëri në Jude”.

8-Dishepujt i thanë: “Mësues, pak më parë Judenjtë kërkonin të të vrisnin me gurë dhe ti po shkon përsëri atje?”.

11-Mbasi i tha këto gjëra, shtoi: “Mikun tonë, Llazarin e ka zënë gjumi, por unë po shkoj ta zgjoj”.

12-Atëherë dishepujt e tij thanë: “Zot, po të flejë, do të shpëtojë”.

13-Por Jezusi u kishte folur për vdekjen e tij, kurse ata pandehnin se kishte folur për fjetjen e gjumit.

14-Atëherë Jezusi u tha atyre haptas: “Llazari ka vdekur.

15-Edhe unë gëzohem për ju që nuk isha atje, që të besoni; por le të shkojmë tek ai”.

16-Atëherë Thomai, i quajtur Binjaku, u tha bashkëdishepujve: “Të shkojmë edhe ne, që të vdesim me të”.

-Kur Jezusi u tha dishepujve që ata do të ktheheshin përsëri në Jude, pse kishin frikë dishepujt?

-Sepse judenjtë në Jude ishin përpjekur ta vrisnin me gurë Jezusin.

-Edhe kur Jezusi u tha dishepujve që Llazari kishte vdekur, dishepujt nuk e kuptuan Jezusin.

-Dishepujt menduan se Jezusi do të lejonte që drejtuesit Judenj ta vrisnin Atë në mënyrë që Ai të ishte me Llazarin.

-Nuk ishte kjo, ajo që po thoshte Jezusi.

-Çfarë ndodhi kur Jezusi dhe dishepujt e Tij u kthyen në Betani?

Le të lexojmë Gjoni 11:17-22

17-Kur arriti Jezusi, pra, gjeti që Llazari ishte që prej katër ditësh në varr.

18-Por Betania ishte rreth pesëmbëdhjetë stade larg Jeruzalemit.

19-Dhe shumë Judenj kishin ardhur te Marta dhe te Maria për t'i ngushëlluar për vëllanë e tyre.

20-Marta, pra, si e mori vesh se po vinte Jezusi, i doli përpara; kurse Maria ishte ulur në shtëpi.

21-Marta i tha Jezusit: “Zot, po të ishe këtu, im vëlla nuk do të kishte vdekur,

22-por edhe tani e di se të gjitha ato që ti i kërkon Perëndisë, Perëndia do të t'i japë”.

-Çfarë i tha Jezusit, Marta, motra e Llazarit?

-Marta tha që nëse Jezusi do të kishte qenë atje, atëherë Llazari nuk do të kishte vdekur.

-Marta po mendonte që nëse Jezusi do të kishte qenë atje kur Llazari ishte akoma gjallë, atëherë Jezusi do ta kishte shëruar atë.

-Çfarë i tha Jezusi Martës?

Le të lexojmë Gjoni 11:23-24

23-Jezusi i tha: “Yt vëlla do të ringjallet”.

24-Marta i tha: “E di se do të ringjallet, në ringjallje, ditën e fundit”.

-Jezusi i tha Martës që Ai do ta ringjallte vëllanë e saj, Llazarin, nga vdekja.

-A e kuptoi Marta këtë?

-Jo.

-Marta i tha Jezusit që ajo e dinte që Llazari do të ringjallej në ditën e fundit.

-Çfarë po thoshte Marta me ditën e fundit?

-Dita e fundit do të jetë fundi i kohës kur të gjithë njerëzit që kanë vdekur do të ringjallen.

-Në ditën e fundit, Perëndia do t'i ringjallë të gjithë njerëzit që kanë vdekur për t'i gjykuar.

-Në ditën e fundit, Perëndia do t'i gjykojë të gjithë njerëzit për mëkatet që kanë bërë.

-Marta mendoi që Jezusi do ta ringjallte vëllanë e saj Llazarin në ditën e fundit.

-Këtë donte të thoshte Jezusi?

-Jo.

-Si iu përgjigj Jezusi Martës?

Le të lexojmë Gjoni 11:25a

25a-Jezusi i tha: “Unë jam ringjallja dhe jeta;

-Çfarë i tha Jezusi Martës?

-Jezusi tha që Ai ishte ringjallja dhe jeta.

-Jezusi po i thoshte Martës që Llazarit nuk i duhej të priste për ditën e fundit që të ringjallej nga vdekja.

-Pse nuk i duhej Llazarit të priste për ditën e fundit që të ringjallej nga vdekja?

-Sepse Jezusi ishte aty dhe Jezusi është ringjallja dhe jeta.

-Jezusi kishte fuqinë që t'u jepte jetë edhe atyre që kishin vdekur.

-A mund t'i japin jetë një të vdekuri Satani dhe demonët e tij?

-Jo.

-A mund t'i japin jetë një të vdekuri engjëjt?

-Jo.

-Kush është i vetmi që mund t'i japë jetë një të vdekuri?

-Jezusi që është Perëndi.

-Çfarë i tha Jezusi pastaj Martës?

Le të lexojmë Gjoni 11:25b-26

25b-ai që beson në mua, edhe sikur të duhej të vdesë do të jetojë”.

26-Dhe ai që jeton e beson në mua, nuk do të vdesë kurrë përjetë. A e beson këtë?”.

-Jezusi tha që kushdo që beson në Të do të jetojë edhe nëse vdes.

-Si mund të jetojë një njeri edhe kur ai ka vdekur?

-Çfarë po thoshte Jezusi?

-Jezusi po thoshte që kushdo që beson në Të nuk do të vdesë kurrë për Perëndinë, madje edhe kur trupat e tyre vdesin.

-Jezusi po thoshte që kushdo që beson në Të, shpirtat e tyre do të shkonin në Parajsë për të jetuar me Perëndinë madje edhe kur trupat e tyre vdesin.

-Si iu përgjigj Marta Jezusit?

Le të lexojmë Gjoni 11:27

27-Ajo i tha: “Po, Zot, unë besoj se ti je Krishti, Biri i Perëndisë, që duhet të vinte në botë”

-A besonte Marta që Jezusi ishte Perëndia Shpëtimtar?

-Po.

-Pastaj, Marta thirri motrën e saj Marinë.

Le të lexojmë Gjoni 11:28-38

28-Dhe, si tha kështu, shkoi të thërrasë fshehtas Marinë, motrën e saj, duke thënë: “Mësuesi është këtu dhe po të thërret”.

29-Posa e dëgjoi, ajo u çua me nxitim dhe erdhi tek ai.

30-Por Jezusi ende nuk kishte arritur në fshat, por ndodhej në vendin ku Marta e kishte takuar.

31-Prandaj Judenjtë që ishin me të në shtëpi për ta ngushëlluar, kur panë se Maria u çua me nxitim dhe doli, e ndoqën, duke thënë: “Ajo po shkon te varri për të qarë aty”.

32-Sapo Maria arriti te vendi ku ndodhej Jezusi dhe e pa atë, i ra ndër këmbë duke i thënë: “Zot, po të ishe ti këtu, im vëlla nuk do të kishte vdekur”.

33-Atëherë Jezusi, kur pa se ajo dhe Judenjtë që kishin ardhur me të po qanin, u psherëtiu në frymë dhe u trondit,

34-dhe tha: “Ku e keni vënë?”. Ata i thanë: “Zot, eja e shih!”.

35-Jezusi qau.

36-Atëherë Judenjtë thanë: “Shih, sa e donte!”.

37-Por disa nga ata thanë: “Ky, që i hapi sytë të verbërit, s’mund të bënte që ky të mos vdiste?”.

38-Prandaj Jezusi, përsëri i tronditur përbrenda, erdhi te varri; por ky ishte një guvë dhe kishte përpara një gur.

-Pse qau Jezusi kur erdhi tek varri i Llazarit?

-Sepse Jezusi u trishtua kur pa të gjithë njerëzit e tjerë duke qarë.

-Perëndia trishtohet për shkak se ka mëkat në botë.

-Perëndia trishtohet për shkak se ka vdekje në botë.

-Kur njerëzit lëndohen, Perëndia trishtohet.

-Kur njerëzit sëmuren, Perëndia trishtohet.

-Kjo ndodh sepse Perëndia i krijoi të gjithë njerëzit dhe i do të gjithë njerëzit.

-Çfarë u tha Jezusi njerëzve?

Le të lexojmë Gjoni 11:39-44

39-Jezusi tha: “Hiqni gurin!”. Marta, motra e të vdekurit, i tha: “Zot, ai tashmë qelbet, sepse ka vdekur prej katër ditësh”.

40-Jezusi i tha: “A nuk të thashë se po të besosh, do të shohësh lavdinë e Perëndisë?”.

41-Atëherë ata e hoqën gurin prej vendit ku ishte shtrirë i vdekuri. Dhe Jezusi i ngriti sytë lart dhe tha: “O Atë, të falënderoj që më ke dëgjuar.

42-Unë e dija mirë se ti gjithnjë më dëgjon, por i kam thënë këto për turmën që është përreth, që të besojnë se ti më ke dërguar”.

43-Dhe, mbasi tha këto, thirri me zë të lartë: “Lazar, eja jashtë!”.

44-Atëherë i vdekuri doli, me duart e këmbët të lidhura me rripa pëlhure dhe me fytyrën të mbështjellë në një rizë. Jezusi u tha atyre: “Zgjidheni dhe lëreni të shkojë!”.

-Çfarë bëri Jezusi?

-Jezusi qëndroi tek hyrja e varrit dhe e urdhëroi Llazarin të ngrihej nga vdekja.

-A u ngrit Llazari nga vdekja?

-Po.

-Pse ishte në gjendje Jezusi për ta ngritur nga vdekja Llazarin?

-Sepse Jezusi krijoi gjithë jetën.

-Pse vendosi Jezusi ta ringjallte Llazarin nga vdekja?

-Sepse Jezusi donte t'u tregonte të gjithë njerëzve që Perëndia-ka fuqi madje edhe mbi vdekjen.

-Çfarë thanë njerëzit pasi Jezusi e ringjalli Llazarin nga vdekja?

Le të lexojmë Gjoni 11:45-48

45-Atëherë shumë nga Judenjtë, që kishin ardhur te Maria dhe kishin parë gjithçka kishte bërë Jezusi, besuan në të.

46-Por disa nga ata shkuan te farisenjtë dhe u treguan

atyre ç'kishte bërë Jezusi.

47-Atëherë krerët e priftërinjve dhe farisenjtë mblodhën sinedrin dhe thanë: “Ç'të bëjmë? Ky njeri po bën shumë shenja.

48-Po ta lëmë të vazhdojë kështu, të gjithë do të besojnë në të, do të vijnë Romakët dhe do të shkatërrojnë vendin dhe kombin tonë”.

-Për shkak se Jezusi e ringjalli Llazarin nga vdekja, disa njerëz besuan në Jezusin si Perëndia Shpëtimtar.

-Për shkak se Jezusi e ringjalli Llazarin nga vdekja, disa njerëz ikën dhe bënë plan si ta vrisnin Jezusin.

-Kush donte ta vriste Jezusin?

-Kryepriifti dhe farisenjtë.

-Kush po e drejtonte kryepriiftin dhe farisenjtë për të vrarë Jezusin?

-Satani.

-Pse donin ta vrisnin Jezusin kryepriifti dhe farisenjtë?

-Sepse ata ishin të këqinj.

-Sepse ata dëgjuan Satanin dhe jo Jezusin.

-Kë do të dëgjosh ti?

-Satanin apo Jezusin?